



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-10308-5/20
Sarajevo, 04.05.2020. godine

SKUPŠTINA KANTONA SARAJEVO
-Služba za skupštinske poslove-

PREDMET: *Odgovor na zastupničko pitanje – dostavlja se*

Zastupnica Skupštine Kantona Sarajevo, Jasna Duraković, na 24. Radnoj sjednici Skupštine Kantona Sarajevo, održanoj dana 23.04.2020. godine, u okviru tačke Dnevnog reda, „Poslanička/zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, uputila je sljedeća zastupnička pitanja:

- **Zašto se ljudi koji su proveli 14 dana u karantenu u studentskom domu Bjelave, a pri tom su nakon testiranja bili negativni na COVID 19, ne puste svojim kućama?**
- **Ko je i po kojim preporukama donio novu odluku da se ovi ljudi zadržavaju do 28 dana i da li je to preporuka SZO?**
- **Zašto se ovi ljudi koji su testirali negativno na korona virus drže u neadekvatnim uslovima (male i skućene sobe a imamo nekoliko majki s malom djecom koje su primorane tu boraviti) i zašto im se ne omogući uzimanje propisanih terapija za druge bolesti od kojih eventualno boluju?**
- **Zašto još uvijek svi koji borave u studentskom domu Bjelave nisu testirani?**

U vezi sa postavljenim zastupničkim pitanjima dostavljamo Vam slijedeći:

ODGOVOR

Shodno članu 46. Zakona o zaštiti stanovništva od zaraznih bolesti („Službene novine Federacije BiH“, broj 29/05) karanten je mjera ograničavanja kretanja i omogućavanja obaveznih medicinskih pregleda osoba koje su bile, ili za koje se sumnja da su bile u kontaktu sa osobom koja ima zaraznu bolest u vrijeme kada je ova osoba bila zaražena.

O stavljanju u karanten i određivanju prostora za karanten odlučuje Federalni ministar zdravstva na osnovu epidemiološkog izvještaja Federalnog zavoda za javno zdravstvo.

Dužina zadržavanja u karantenu je vremenski interval dvostrukog najdužeg inkubacionog perioda za određenu bolest.

Dakle, prema važećim propisima uspostava karantene je nadležnost Federacije BiH i njenih organa i institucija, te je shodno tome federalni ministar zdravstva rješenjem odredio obaveznu mjeru stavljanja u karantenu za sve osobe koje ulaze u Bosnu i Hercegovinu.

Prema informacijama kojima raspolaže ovo ministarstvo Federalni štab civilne zaštite je na sjednici 24.04.2020. godine, donio Naredbu kojim se ukida obavezna mjera karantena po rješenju federalnog ministra zdravstva za sve osobe koje ulaze u Bosnu i Hercegovinu.

Obzirom da je uvažena zastupnica predmetna pitanja uputila i prema Federalnom ministarstvu zdravstvu i štabu Civilne zaštite Federacije BiH, nadamo se da će navedeni organi imati detaljnije odgovore na postavljena pitanja.

S poštovanjem,



MINISTAR

Mesihović



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

